


QURBANI

L'IMPORTANCE | LE BUT | LE PRINCIPE



Maulana Fayyaz Ahmad Naimi

CONTENUS

Preface	3
Enn Triste Réalité dans Nous Communauté	5
Introduction Qurbani dans L'islam	8
But Qurbani	10
Histoire Qurbani	11
Philosophie Qurbani	22
L'importance Et Profits Qurbani D'après Quraan Et Hadiths	25
La personne Lors Qui Qurbani Obligatoire (Waaajib)	31
Quand besoin faire Qurbani	39
Animaux Qui Servi Pour Faire Qurbani	43
Façon Faire Qurbani	57
Viande Du Qurbani	64
L'Importance Dix Premiers Jours Zil Hajj	68
Takbeer-E-Tashreeq	72
Enn Dhul Hijjah Idéal	74

PREFACE

Tous louanges pour Allah, Maître de l'Univers. So
bénédictions lors Hazrat Mohammad Mustapha (ﷺ), le
chef des Prophètes et Messagers, lors banne descendants
et banne compagnons et lors banne Aulia-E-Ezam.

Les évènements mentionnés dans Qur-aan et Hadith ce
sont banne moments vécus par ça banne personnages-là.
Ces évènements-là par zotte même transmettre banne
messages qui besoin prend compte.

Ainsi le Qurbani qui Hazrat Ibrahim (عليه السلام) ti faire,
montré clairement l'amour intacte, pure et inébranlable qui
li ti éna pour Allah et qui par consequent un croyant besoin
éna envers Allah.

Qurbani li obligatoire (waajib) lors banne personnes qui
éna le moyen. C'est aussi un Ibaadat pour Allah à travers
quoi nous gagne Taqwa (frayeur pour Allah) et nous
approche vers Allah. Alors li un devoir pour connaître
comment pour accomplir Qurbani d'après le principe
établi par Shariat.

Mo fine essaye explique l'importance et le but réel du Qurbani. Mo fine rassemblé le maximum de Hadiths et Masail pour apporte plus de précisions lors ça banne sujets la. Mo espéré, Insha Allah, ça livret là pour prouve li utile et profitable. Les masails qui fine mentionnés dans ça livret là zotte d'apres Imam Abu Haaneefa رحمه الله عليه.


Mo remercié banne Mossallis et Imams d'autres endroits qui habituellement aide pour propage mo banne livres. Ainsi zotte participé dans li propagation Deen dans Zotte localité, Alhamdulillah.

Mo demande Doah qui Allah Ta'ala garde nous uni et donne nous tous toujours cet esprit de coopération pour faire khidmat Deen-E-Islam, Ameen, Thoumma Ameen, Bijaahi Saiyidil Mursaleen.

Fayyaz Ahmad Naïmi
Khateeb. Masjid Anwar-E-Islam
12, Rue Wellington, Rose-Hill
REPUBLIQUE DE MAURICE

Original:
3 MAI 1995
2 Zil Hajj 1415

Revised Edition:
May 2025
Zil Hajj 1446



ENN TRISTE RÉALITÉ DANS NOUS COMMUNAUTÉ

Malheureusement, dans nous société mauricienne, l'importance sacré de Qurbani pe perdi. Ce qui ti supposé enn acte de 'Ibadah, pe vinn enn "spectacle" pou dimounn.

Bann dimounn acheté zanimo ek amenn zot dans la rue pou montré, posté photos/videos pou gagne l'admiration. Ena bat, excite et stresse bann zanimo – coumadir pe faire enn divertissement. Bans zeness, zanafan, grand dimoun et madames comme tels rassemblez en masse pou guett "bann zanimo faire dezord"

Mais Qurbani li pas sa. Qurbani faire nous rappel le Taqwa, Sincérité et Tawakkul qui Hazrat Ibrahim عليه السلام finn montrez nous et tous ban creations jusqu'a qayamah avec so sacrifice. Si nous perdi l'esprit derrière sa rite sacré, nous pe perdi cequi Qurbani vraiment été.

Nous bizin retourne vers respect, calme, ek l'intention sincère. Enn zanimo c'est enn créature d'Allah ﷻ. So traitement bizin rempli avec compassion et dignité.

KI FAIRE SA COMPORTEMENT-LA CONTRE BANN ENSEIGNEMENTS ISLAMIQUE

1. Contre Ikhlas (Sincérité)

- Islam insiste lor niyyah (l'intention) pure:
"Mo'n fer sa Qurbani-la zis pou Gloire d'Allah".
Quand nous montré zaimo dans rue pou
gagne like ousa admiration, nous perdi ikhlas
ek le Qurbani vinn enn acte de riyā, ki le
Prophète ﷺ finn averti contre.
- Qurbani pa pou selfie ni show-off, me pou
enn soumission intime, c'est enn 'ibadah.

2. Contre Ihsan (Excellence)

- Stresser, baté, ou soi faire du tord ban
animaux pou zot faire "dezord" se enn
violation dure de Ihsan. Et l'animaux Qurbani
c'est enn animal qui nous besoin donne plus
respect parce que c'est enn animal bien
speciale comme nous pour apprane plus tard.

3. Contre Khushū' (Tendance Spirituel ek Recueillement)

- Qurbani public kouma enn "show"
détourne l'attention depi l'aspect spirituèl ek
intime. Islam pa enseigne faire ibadah entre
enn foule, klaxon ek hua-hua ki mettre ban
animaux en difficulté.

4. Contre 'Adl (Justice) ek Ihsan lor Zanimu

- Traiter l'animaux kouma enn jouet pou amuse bann dimounn se enn forme d'injustice et manque d'ihsan. Au contraire, l'Islam finn touzour montrer nous gard bann ki pa kapav koz avek compassion—sirtou bann zanimu ki pena parol

5. Contre Sunnah et Mémoire d'Ibrahīm عليه السلام

- Qurbani faire nous rappèl le sacrifice de Hazrat Ibrahīm عليه السلام: so l'amour et so obéissance pou Allah.
- Quand nous réduire sa moment speciale là enn spectacle, nous perdi la leçon fondamentale, soumission totale et confiance en Allah.

Nous apel à rèspect:

- Retourne dans ikhlas: Met intention claire;
- Pratique ihsan: Nourri, prend compte ek soigne zanimu qurbani bien dans la maison;
- Cherche khushū': Fer Qurbani dans le calme ou parmi bann proches
- Honore sunnah d'Ibrahīm عليه السلام ek Prophète ﷺ par amour ek soumission réelle.

C'est sa l'esprit vraie de Qurbani—pa enn show, me enn acte d'adoration sincère. Nous invite ou lire et decouvert, a travers ça livret la, le signification et l'importance reel de Qurbani.

INTRODUCTION QURBANI DANS L'ISLAM



Qurbani (uḍḥiyah) veut dire sacrifier un animal spécial dans jour spécial avec l'intention pour obtenir les bénédictions d'Allah (Thawaab).

Un tel sacrifice dans l'Islam li commémore l'évènements cotte Hazrat Ibrahim (عليه السلام) ti offert la vie so garçon lors l'ordre d'Allah Ta'ala mais qui Allah Ta'ala fine faire substituer li par un mouton.

Ça manifestation d'amour de tel envergure de Hazrat Ibrahim (عليه السلام) pour Allah Ta'ala fine marque un évènements sans précédent dans l'histoire de l'Islam. Ceci fine donne lieu à un rite qui appelle Qurbani qui fine perpétuer dans l'Islam.

Ça sacrifice-là fine suivre par Prophète Muhammad (ﷺ) et Allah fine faire li obligatoire (Waajib) lors banne musulmans qui posséder.

Ça sacrifice-là li pas seulement prescrit lors nous, le peuple de Prophète Muhammad (ﷺ) mais li ti aussi appliqué lors les autres peuples avant, comme finne mentionné dans Quraan Sharif:

*"Lors chaque communauté Nous fine prescrire un rite afin
qui zotte rappelle nom Allah lors banne betails qui fine
fourni zotte en nourriture."*

(S:22, V:34)

Sans doute Qurbani li un moyen pour un banda (personne) pour montrer Allah, so l'amour envers Li.

A travers Qurbani, un banda, dans un façon, li presente so richesse devant Allah (Allah So Bargah). Tout cela uniquement avec l'intention pour approche avec Allah et pour plaire à Allah. Donc, Qurbani li un Ibaadat qui donne nous l'osccasion profiter avec so banne thawaab (profits).

BUT QURBANI

En apparence Qurbani c'est une action cote éna sacrifice un animal lors nom Allah. Mais c'est à retenir qui le but pour faire Qurbani en réalité c'est seulement pour plaire Allah Ta'ala comme Allah Ta'ala fine annoncé dans Quraan:

"Oh Prophète Muhammad! Dire zotte (oummat) mo Namaz, mo Qurbani (sacrifice), mo li vie, mo la mort tous pour Allah, Maître de l'Univers."

(S:6, V:163)

Ça Ayaat (verset)-là indiquer qui Allah accepter ça même Qurbani cote éna sincérité dans action-là aussi bien dans l'intention-là – uniquement pour plaire Allah.

Dans l'époque de Jahiliyat (ignorance) banne personnes ti pé faire Qurbani dans de telle façon cote zotte ti pé frotte du sang Qurbani dans la porte Kaaba et ti pé suspendre so la viande lors la porte Kaaba en pensant qui Allah pour besoin tout ça! Allah même comme reponse dire dans Quraan:

"Zotte la viande, et zotte du sang jamais pour atteindre Allah, mais c'est zotte pureté (Taqwa) qui pour arrive jusqu'a Li."

(S:22, V:37)

HISTOIRE QURBANI

Qurbani ti déjà existé dans l'époque chaque Prophète mais Qurbani qui nous, Oummat du Prophète Mohammad (ﷺ) accomplir, li éna un grand relation avec Hazrat Ibrahim (عليه السلام).

Les compagnons du Prophète Mohammad (ﷺ) fine demande le Saint Prophète (ﷺ):

"Oh Saint Prophète Mohammad (ﷺ) ! Qurbani qui li été?"

L'envoyé d'Allah fine répondre:

"Li un principe (Sounnat) de Zotte ancêtre Hazrat Ibrahim (عليه السلام)."

Pourquoi Allah Ta'ala fine content la façon dont Hazrat Ibrahim (عليه السلام) fine faire Qurbani et par la suite fine ordonne nous adopter ça principe-là? Pour comprend ça, li nécessaire conne la vie Hazrat Ibrahim (عليه السلام).

Pas éna aucun musulman , chretien ou juif qui pas conne Hazrat Ibrahim (عليه السلام). Plus de 2/3 population du monde accepte Hazrat Ibrahim (عليه السلام) comme guide. Prophètes Hazrat Moosa (عليه السلام) , Hazrat Issa (عليه السلام), Hazrat Mohammad (ﷺ) zotte tous dans descendant Hazrat Ibrahim (عليه السلام).

Éna plus de 4000 années Hazrat Ibrahim (عليه السلام) fine prend naissance en Iraq. Li un grand prophète d'Allah avec un titre **Khaleeloullah** (camarade d'Allah). Après prophète Mohammad (ﷺ), Hazrat Ibrahim (عليه السلام) so grade **plus haut parmi** banne prophètes.

Hazrat Ibrahim (عليه السلام) fine née dans un l'époque cote la majorité peuple ti oublié Allah. L'endroit cote li né ti plus prospérer mais ti dans l'égarement (noireté). Banne gens ti pé prier étoiles, statues, etc. Mais Hazrat Ibrahim (عليه السلام) li un personne qui reflechir.

Li ti éna l'autre vision et comme tel li fine commence reflechir: soleil, la lune, étoiles zotte en motion sous un l'ordre, les idoles ce sont banne objets qui ces gens là même faire avec zotte la main et le roi li pas plus qui un insaan (humain); comment donc li capave possible pour zotte vinne dieux? Banne statues là zotte incapable pour bouger sans l'aide, banne dieux la pas éna pouvoir lors la vie, la mort banne gens là et d'ailleurs banne dieux-là incapable pour aide zotte même.

Suite à ça banne reflexions-là, Hazrat Ibrahim (عليه السلام) declare avec banne personnes:

"Oh, mon peuple! mo pas prend part dans banne associé qui zotte donner à Allah, mo tourne mo figure vers seulement Celui qui fine crée le ciel et la terre et mo pas forme parti avec banne qui donne des associés à Allah."

(S6, V:79,80)

Hazrat Ibrahim (عليه السلام) fine commence so mision. Lorsque li fine invite le roi Namrood et les habitants de l'endroit vers Allah, zotte tous fine vine so ennemis. Zotte fine commence crée banne difficultés pour faire li arrête so mission. Alors zotte fine decide pour **brule li vif dans du feu**.

D'après narration zotte fine prépare un gros tas de bois qui zotte fine collecté pendant un mois. Zotte finne allume tas-là et vente du feu-là pendant une semaine. Du feu fine vine tellement énorme qui **li ti impossible pour un oiseau traverse la haut**. A ce moment-là, zotte fine decide pour *mettre Hazrat Ibrahim (عليه السلام) la dans*, mais un problème surgir comment pour approche un tel feu.

Alors Shaitaan (demon) fine indiquer pour servi un instrument (lanceur) pour projecter Hazrat Ibrahim (عليه السلام) depuis loin. Pendant ki zotte pé jette Ibrahim (عليه السلام) dans du feu là, de l'autre côté Allah fine ordonne feu-là, pour vine un fraîcheur et protection pour Hazrat Ibrahim (عليه السلام).

Hazrat Ibrahim (عليه السلام) fine reste 7 jours dans ça feu-là. Souvent li ti pé dire qui jamais dans so la vie li ti jouir un tel repos comme celui qui li fine ressentir pendant ces 7 jours-là.

Etant donné qui Hazrat Ibrahim (عليه السلام) trouvé qui banne gens-là pas pour amène Imaan (la foi) lors Allah, Hazrat Ibrahim (عليه السلام) fine émigrer dans d'autres pays pour continuer so mission. Partout li fine continuer appelle banne personnes pour prier un seul Allah. Ainsi li fine atteindre l'age de **80 ans** et li pas fine éna aucun enfant. Alors li à cet âge li finn demande Doah à Allah Ta'ala pour qui Allah donne li un enfant vertueux pour continuer so mission.

Allah fine accepté so Doah et par la suite, so madam Hazrat Hajrah (رضي الله عنها) fine enfante un garçon qui appelle Hazrat Ismaël (عليه السلام). *Après beaucoup Doah et dans so vieillesse, un papa fine arrivé gagne so premier enfant, un garçon.* Nous capave imaginer combien cher un tel garçon pour été pour so papa!

D'après narration, un fois, banne farishtas (anges) fine demande Allah Ta'ala:

"Oh nous Maître! To fine dire qui Ibrahim (عليه السلام) li To camarade (Khaleel). Mais Hazrat Ibrahim (عليه السلام) so situation li telle qui dans so le coeur fine gagne mohabbat (l'amour) so garçon aussi. Oh Allah! En verité pour porte le titre de Khaleel, c'est celui qui éna seulement To mohabbat dans so le coeur."

Donc, Allah fine mettre Hazrat Ibrahim (عليه السلام) à l'épreuve afin qui banne farishta reste convaincu qui vraiment Hazrat Ibrahim (عليه السلام) merite ça titre-là (Khaleelullah, camarade d'Allah).

Dans la nuit 8ème Zil Hajj Hazrat Ibrahim (عليه السلام) fine trouve dans so rêve qui quelqu'un pé dire li: "Oh Ibrahim, faire Qurbani". Quand li fine reveilé le matin li fine faire Qurbani **100 chameaux**. La nuit suivante, li fine gagne même annonce dans so rêve! "Oh Ibrahim! faire Qurbani." En se reveillant le matin, li fine faire Qurbani **200 chameaux**. Mais quand li fine gagne même annonce lors 3ème nuit, Hazrat Ibrahim (عليه السلام) fine dire "Oh Allah! Qui Qurbani mo faire dans To chemin?" A ce moment-là, Allah dire: "Oh Ibrahim! Faire Qurbani dans Mo chemin ce qui to plus content dans Dunya (le monde)."

Hazrat Ibrahim (عليه السلام) tout de suite fine comprend qui ça l'ordre là concerne so garçon Ismaël. Vu qui ça l'ordre-là vine depuis Allah et de par so **l'amour pour Allah**, Hazrat Ibrahim (عليه السلام) fine prend un résolution ferme sans la moindre hesitation pour faire Qurbani so garçon. Hazrat Ismaël (عليه السلام) à ça moment-là ti ena 7 ou 13ans, li ti très beau, obéissant et intelligent.

A fin qui ça decision-là reste intacte, Hazrat Ibrahim (عليه السلام), le 10ème Zil Hajj, dire so madame, Hazrat Hajrah (رضي الله عنها): *"Aujourd'hui to garçon invité cotte un très grand roi."*

Devant un telle nouvelle, Hazrat Hajrah (رضي الله عنها) fine bien prépare so garçon pour li ale avec so papa. Zotte sorti Makkah en route vers Mina. Shaitaan pensé ki Hazrat Ibrahim (عليه السلام) pour vine plus cher à Allah si li arrivé execute ça l'ordre-là. Donc li commence cherche un moyen pour empêche Hazrat Ibrahim (عليه السلام) faire ça. De ce fait, Shaitaan en vitesse fine alle cotte Hazrat Hajrah (رضي الله عنها) et fine demander cote Ismaël puisque li pas pé trouve Ismaël? Quand Hazrat Hajrah (رضي الله عنها) fine informe Shaitaan qui Ismaël fine ale avec so papa dans un invitation, li repondre: "Ou dans l'erreur, aujourd'hui Hazrat Ibrahim (عليه السلام) fine emmène ou zenfant pour faire so Qurbani." Hazrat Hajrah (رضي الله عنها) dire qui li pé cause menti parcequi un papa pas capave tuer so zenfant et Hazrat Ibrahim (عليه السلام) bien content so zenfant.

Quand Shaitaan fine insister en disant qui c'est certain qui Ibrahim pour tuer so zenfant parceque Allah fine donne ça l'ordre-là, Hazrat Hajrah (رضي الله عنها) fine repondre:

"Dans ça cas-là mo pas éna aucun objection, même si mo ti éna millier de Ismaël pour faire Qurbani lors l'ordre Allah!"

Shaitaan fine besoin capituler devant une telle déclaration car so ruse pour profite lors sensibilité le coeur Hazrat Hajrah (رضي الله عنها) comme maman Hazrat Ismaël (عليه السلام) pas fine marcher.

Sans perdi l'espoir, Shaitaan tout de suite ale cote Hazrat Ismaël (عليه السلام) pour influence li, mais là aussi Shaitaan fine écope même réponse. Tenace, Shaitaan fine essaye explore un dernier possibilité en s'adressant à Hazrat Ibrahim : *"Oh Ibrahim ou éna beaucoup l'éducation, comment un personne comme ou capave faire un chose pareille? Pour plaire à Allah éna beaucoup d'autres façons. Dans ça l'âge-là ou fine arrivé gagne un garçon joli, obéissant et intelligent et ou pé alle tuer li. Pas pour éna personne pour porte ou nom, ou génération pour fini."* Trois fois Shaitaan fine essaye embête Hazrat Ibrahim (عليه السلام) avec de telles paroles, mais chaque fois Hazrat Ibrahim (عليه السلام) **ti pé batte li avec 7 roches**. Lors 3ème fois après qui Hazrat Ibrahim (عليه السلام) fine battre li, Shaitaan pas fine revini.

C'est ainsi que le **principe pour battre Shaitaan à Mina** dans période Hajj fine introduire et perpétuer jusqu'à aujourd'hui.

Arrivé à Mina, Hazrat Ibrahim (عليه السلام) dire so garçon:
*"O mo garçon bien-aimé! mo fine recevoir l'ordre depuis Allah pour faire to Qurbani (sacrifice) dans So chemin.
Alors, O mo garçon! Qui to pénése?"*

Hazrat Ismaël (عليه السلام) repondre:

"O mo respectueux père! Bien sur ou faire ce qui Allah fine ordonne ou pour faire. Garde confiance qui ni mo pour pleurer, ni mo pour crier, ni mo pour plaindre, Insha Allah, ou pour trouve moi parmi banne qui reste ferme dans l'endurance. Qui plus grand qui ça capave éna pour moi qui mo Qurbani faire dans chemin Allah Ta'ala! Mo éna un grand destin qui Allah fine choisir moi pour ça sacrifice-là. Oh cher Papa! Prend en considération un peu lors banne quiquechose qui mo pour dire:"

1. *L'heure Qurbani ou attache mo la main et li pied fort afin qui ou pas gagne pitié, quand mo debattre pendant qui ou faire mo Zabah (pé coupe moi).*
2. *Ou vire mo figure vers la terre pour qui ou pas trouve mo figure attention qui en regardant mo figure ou pas faire sa grand travail-là par l'amour comme un papa pour moi.*
3. *Ou fute ou couteau bien et ou passe lors mo licou vite afin qui mo la vie sorti vite et ou faire mo salaam mo maman."*

Après ça conversation-là, Hazrat Ibrahim (عليه السلام) fine attache so garçon comme convenu et ensuite li fine mettre un bandage lors so propre li yeux. Li fine passe so couteau lors licou Hazrat Ismaël (عليه السلام) mais lorsque li passé, li pas fine coupé malgré couteau-là li futé. Larme aux yeux, Hazrat Ibrahim (عليه السلام) dire: "O Allah! Qui erreur fine arrivé avec To Khaleel qui Qurbani pas pé accepté? Hazrat Ismaël (عليه السلام) de so côté fine dire la même chose. Alors Hazrat Ibrahim (عليه السلام) fine refute couteau-là et passe lors li cou pour la deuxième fois, mais en vain. Pris de colère, Hazrat Ibrahim (عليه السلام) fine jette couteau-là par terre.

A cet instant, couteau-là, comme ci dire: "O Ibrahim! Qui faire ou pé en colère avec moi? Qui mo faire, quand un côté un fois ou pé dire moi couper tandis que l'autre côté, Allah 70 fois pé donne lo'rdre pour pas couper. Alors, Oh Allah So Khaleel! Dire ou même qui mo besoin faire?" Pour la 3ème fois Hazrat Ibrahim عليه السلام fine reprend so couteau et fine commence passe lors li cou so garçon. Cette fois ci, Hazrat Ibrahim عليه السلام fine senti couteau la fine coupé! Quand Hazrat Ibrahim (عليه السلام) fine retire so bandage depuis so li yeux, li fine surpris par la scène qui pé présenté devant li. **Li fine coupe un mouton et so garçon pé debouté à côté avec un sourire! Allah Ta'ala ti ordonne Hazrat Jibrail عليه السلام au dernier moment pour remplace Hazrat Ismaël عليه السلام par un mouton de Paradis, et ausi pour detache Hazrat Ismaël عليه السلام.**

Allah Ta'ala fine informe Hazrat Ibrahim (عليه السلام) qui so Qurbani fine accepter. A ce moment-là Hazrat Jibrail عليه السلام dire:

"Allahou Akbar, Allahou Akbar", et Hazrat Ismaël (عليه السلام) ajouté: "La-ilaha-illallahou- Wallahou-Akbar" et Hazrat Ibrahim (عليه السلام): "Walillahil-Hamd"

Allah Ta'ala fine faire bane farishtas remarquer:
"Sans doute Hazrat Ibrahim c'est Mo Khaleel par la façon li fine soumettre à Mo l'ordre pour sacrifier so garçon unque dans Mo chemin par l'amour qui li éna uniquement pour Moi."

Cet évènement-là, en bref trouve dans Quraan Shareef,

*"Yé Aasaan hai ke insaan chor de sab mal-o-zar apna
Yé Aasaan hai ke insaan chor de takhté soleimaani
Yé Aasaan hai ke insaan ranjh outhaé sakhtiyan jhélé
Yé Aasaan hai ke apni Jaan bhi dédé ba-aasaani
Ye sab Aasaan se aasaan tar hai jaané man lékine
Bahot mushkil apné haath sé bété ki Qurbani
Kya bété ko Qurbaan raahé haq mein apné haathon sé
Nahin Dunya mein koyi bhi Khaleeloullah ka thaani"*

Li referme beaucoup de leçons pour tous banne musulmans jusqu'a Qiyamaat. Qurbani, jour Eid-UI-Adha, li un rapelle de ça l'évènement- là. **Rasoolullah (ﷺ) fine declare Qurbani un Sunnat Hazrat Ibrahim (عليه السلام). Alors li nécessaire faire li avec l'amour, sincérité et avec tous so le coeur.**

PHILOSOPHIE QURBANI

Tout dépense qui faire, li crée un diminution dans la richesse. Mais dépense qui faire pour Qurbani ou dans chemin Allah, li sans doute produire Barakaat dans la richesse comme Allah dire dans Quraan Shareef:

"Banne qui dépense zotte l'argent dans chemin Allah, c'est comme un la grain du blé qui produire sept epis avec cent la grain dans chaque epis. Allah augmente plusieurs fois du bien pour banne qui Allah oulé."

(S:2, V:261)

"Banne qui dépense zotte l'argent et cherche pour plaire Allah et renforce zotte propre âme, zotte pareille comme un jardin lors un hauteur. Un gros la pluie tombé lors li et doublé so rapport. Mais si un grosse pluie pas tombé, un l'arrosé suffi. Allah observe ce qui ou faire."

(S2, V265)

Maintenant allons méditer lors ça banne faits-là.
Animaux tels boeuf, vache, chameaux zotte produire un petit par an et cabris, brebis zotte produire deux ou trois petit par an. Ça banne animaux-là donc zotte naissance faible. Alors que millier et millier de ça banne animaux-la pé faire Zabah (tuer) tous les jours, zotte nombre jamais diminuer et jamais éna pénurie. C'est parceque ce sont banne animaux qui sacrifier pour Qurbani lors nom Allah.

D'autre part une chienne metre bas par cinq ou six pétits et une truie (cochon) done bas par dix a douze petits chaque fois par an. Zotte naissance li très élevé et zotte tuerie moins. Mais malgré cela zotte nombre reste toujours bien moins. C'est parceque ce sont banne animaux haraam qui pas sacrifier lors nom Allah.

Nous trouver donc qui banne animaux qui sacrifié lors nom Allah, éna barakat dans zotte race, et zotte nombre augmenter en comparaison avec banne animaux non halaal.

Li connu de tous qui Hazrat Imam Hussein رضي الله عنه c'est garçon Hazrat Ali (رضي الله عنه) et Hazrat Fatemah et tizenfant de Hazrat Mohammad (ﷺ). Hazrat Imam Hussein (رضي الله عنه) fine shaheed (sacrifié la vie dans chemin Allah) au cours un bataille sainte dans la plaine karbala (en Iraq) contre l'armée de Yazeed. Tous so banne garçons aussi fine subir le même sort, a l'exception de Imaam Zainoul Abedin (رضي الله عنه).

A travers ce seul un garçon survivant-là, Allah Ta'ala fine propage so progéniture a tel point qui actuellement millier et de millier so banne famille existé dans le monde entier. D'autre part, milliers de soldats l'armée Yazeed fine retourne vivant après bataille-là. Malgré le nombre impressionnant de survivants zotte nom ainsi qui zotte générations tous fine effacé du globe, zotte inexistant.

Donc li claire qui le sacrifice de Hazrat Imaam Hussein (رضي الله عنه) dans le chemin d'Allah fine produire barakat dans so descendant contrairement a l'armée de Yazeed qui pas ti la guerre a cause Allah et so génération fine éteindre.

Tout ça amène a conclure qui tout quiquechose sacrifier ou depenser dans chemin Allah besoin éna un bienfait (barakat) qui continuer augmenter.



L'IMPORTANCE ET PROFITS QURBANI D'APRÈS QURAAN ET HADITHS

Allah Ta'ala dire dans Qur-aan:

"Alors prier pour Ton Seigneur et faire le sacrifice."

(S:108, V2)

D'après les commentateurs du Qur-aan, le mot 'Nahr' en Arabe dans ce verset-là concerne Qurbani. Allama Laaghib Afsahaani dans son livre Al-Mufradaat Fi Ghaara-e-bil Qur-aan dire que ce verset encourage pour lire Namaz et faire Qurbani; faire les deux lui est nécessaire, dans chaque religion ça t'en a déjà existé. Imam Fakhruddin Raazi et Allama Mahmood Aalouci et les autres commentateurs disent la même chose.

Ummul Mou'menine Hazrat Ayesha (رضي الله عنها) rapporté qui le Saint Prophète Mohammad (ﷺ) fine dire:

"Jour Qurbani, pas éna aucun meilleur action devant Allah pour banne enfants Hazrat Adam qui Qurbani. Jour Qiyamat, ça animaux-là (qui fine sacrifier) pour vine avec so corn, so poil et so sabots (c.a.d vivant). Et avant qui du sang Qurbani tombe lors la tere, li déjà fini accepter devant Allah. Alors faire Qurbani avec contentement dans le coeur (et avec sincérité)."

Ibn Majah, Tirmizi, Mishkat

Hazrat Zaid Ibn Arqam رضي الله عنه rapporté que les compagnons (sahabas) de Rassouloullah (ﷺ) fine demandé:

"O messenger d'Allah! Qurbani qui été ça?"

Huzoor (ﷺ) fine repondre:

"C'est un principe de zotte ancêtre Hazrat Ibrahim (عليه السلام)".

Banne Sahabas fine alors demandé:

"Oh prophète d'Allah! Qui bénédictions (thawab) nous gagne là-dans?"

Huzoor (ﷺ) fine répondre ceci:

"Chaque poil de ça animal (sacrifié) la pour contenir bénédictions."

Ibn Majah, Mishkaat

Hazrat Imam Hassan (رضي الله عنه) rapporté qui Huzoor (ﷺ) fine dire: *"Celui qui faire Qurbani avec le coeur content (avec l'intention) pour gagne thawab, alors ça li pour un protection contre du feu l'enfer."*

Tibrani

Hazrat Ibn Abbas (رضي الله عنه) rapporté qui Nabi-e-Karim (ﷺ) fine dire: *"L'argent qui fine dépensé dans Qurbani jour Eid (Eid-ul-Adha) pas éna meilleur qui ça l'argent-là"*

Tibrani

Hazrat Ibn Umar (رضي الله عنه) rapporté qui le Prophète (ﷺ) fine reste à Madina pendant 10 ans et li ti pé faire Qurbani chaque année.

Mishkaat

Hazrat Abu Huraira (رضي الله عنه) rapporté qui Rahmat-e-Alam (ﷺ) fine dire: *"Celui qui éna le moyen et li pas faire Qurbani, alors li pas besoin vine près avec nous Eidgah."*

Ibn Maja

Hazrat Ali (رضي الله عنه) rapporté qui Rassouloullah (ﷺ) fine dire: *"Oh banne gens! Faire Qurbani et faire niyyat (l'intention) pour gagne thawaab (bénédictions) dans Qurbani parcequ quand même du sang Qurbani tombe lors la terre li reste dans discretion Allah."*

Tibrani

D'après Hadith de Maqaalat-e-Sa'eedi:

En récompense de **chaque goutte de sang** du Qurbani, Allah Ta'ala pardonne **un gunnah** (péché).

En récompense de **chaque poil** de l'animal du Qurbani, pour gagne **un Neki**.

Jour Qiyamat, le poids de sang et de la viande pour pèse **70 fois plus lourd** lors balance.

Hazrat Mikhnaf ibn Salim (رضي الله عنه) dire: "Nous ti ensemble avec Rassoulloullah (ﷺ) dans Arafat. Mo fine entendre Rasoulloullah (ﷺ) dire:

"Oh banne personnes! Chaque année li waajib lors chaque famille (propriétaire la maison, celui qui éna le moyen) pour faire Qurbani."

Tirmizi

Hazrat Abu Sa'eed Khudri (رضي الله عنه) rapporté qui Rassouloullah (ﷺ) fine dire:

"Oh Fatimah! Deboute cotte to Qurbani parcequi dans recompense chaque goutte du sang Qurbani pour éna pardon to banne Gounah (péché) precedent."

Hazrat Fatima (رضي الله عنها) fine demandé:

"Ya Rassoulallah (ﷺ) ! Est-ce qui ça recompense la li spécialement pour Ahlé Bait (la famille Nabi- e-Karim) ou pour nous et tous banne musulmans?"

Huzoor (ﷺ) fine repondre qui ça recompense-là li générale pour nous et tous banne musulmans.

Sharhe Muslim

Les compagnons du Prophète (ﷺ) fine demandé:

"Ya Rasoulallah (ﷺ) ! Si quelqu'un li pauvre et li pas capave faire Qurbani, qui li besoin faire? Pourtant li oulé gagne thawaab Qurbani."

Huzoor (ﷺ) fine repondre:

"Li lire 4 rakaats Namaz nafils, dans chaque rakaat après Alhamd li lire 11 fois Surah Al Kawthar (108ème Surah), dans so Naam-e-Amaal (dossier) pour écrire 60 Qurbani so thawaab."

Fuyuzur Rehman Tafseer Ruhul Bayaan

Donc, à la lumière de Qur-aan et Hadith nous comprend clairement ki c'est un principe de Hazrat Ibrahim (عليه السلام) et celui du Prophète Mohammad (ﷺ) pour faire Qurbani. Les musulmans fine continuer accomplir li depuis l'époque du Prophète Mohammad (ﷺ). Or donc, Allah Ta'ala mettre nous en garde en disant dans Qur-aan:

"Et celui qui oppose le Messager après ki la guidance fine bien expliquer à li, et li suivre un chemin autre ki chemin de banne croyants, Nous pour laisse li dans so propre condition, et Nous pour pousse li dans l'enfer, et comment une mauvaise place de retour"

(S:4, V:115)

LA PERSONNE LORS QUI QURBANI OBLIGATOIRE (WAAJIB)

Li waajib (obligatoire) lors un musulman, homme ou dame, chaque année si li vinne Sahib-e-Nisaab, pour faire Qurbani. Si li pas faire li, alors li pour vine un grand gounehgaar (pêcheur).

Pour Qurbani vine un obligation (waajib), banne conditions suivants besoin existe:

- La personne concerné besoin être musulman,
- Li pas en voyage,
- Li Sahib-e-Nisaab*
- Li pas un esclave (c.a.d besoin être libre).

*Un Sahib-e-Nisaab c'est celui qui possède 7.5 tola (environ 93.312 grammes) ou plus de l'or ou 52.5 tola (environ 653.184 grammes) ou plus de l'argent (silver) soit en forme de bijoux ou ustensils ou qui possède zotte équivalent en argent liquide ou qui li un commerçant qui après déduction so banne dette li pas reste moins qui la valeur indiqué en haut.

Li pas nécessaire attendre une période d'une année traversé pour faire Qurbani, comme nous besoin attendre pour tire zakaat. Si quelqu'un li pauvre avant jour Qurbani mais le jour du Qurbani li fine arrive gagne autant d'argent qui li vine Sahib-e-Nisaab donc li besoin faire Qurbani.



MASLA

Qurbani li waajib lors la personne et pas nécessairement lors les autres membres de so famille. Même si éna un mineur dans so famille et li riche, li pas nécessaire pour la personne faire Qurbani pour mineur-là peu importe avec so propre l'argent ou celui de mineur-là. Si Qurbani fine faire pour mineur-là li pour compte comme nafil. De toute façon li pas permettre pour servir l'argent mineur-la pour ça.



MASLA

Li pas waajib lors un voyageur pour faire Qurbani mais li capave faire li comme un nafil, pour gagne thawaab.





MASLA

Quand un personne vine Sahib-e-Nisaab, li vine waajib pour faire Qurbani en so nom ça l'année-là. Si l'année ensuite li revine Sahib-e-Nisaab, li waajib encore une fois pour faire Qurbani en so nom. Donc chaque année qui li vinne Sahib-e-Nisaab li besoin faire Qurbani en so nom.



MASLA

Si un Sahib-e-Nisaab faire Qurbani lors nom un l'autre personne mais pas en so nom, alors li vine un grand gunehgaar. Alors si li oule faire Qurbani pour les autres, li besoin faire les nécessaires pour faire autres Qurbani pour ça banne personnes la, ainsi que pour li aussi.



MASLA

Certaines personnes pensé qui seulement une fois dans zotte la vie li waajib pour faire Qurbani. li complètement faux parcequi li waajib lors un Sahib-e-Nisaab pour faire Qurbani chaque fois qui li Sahib-e-Nisaab. Dans un Hadith Hazrat Ibn Umar (رضي الله عنه) rapporté que le Saint Prophète (ﷺ) fine faire Qurbani chaque année pendant 10 ans qui li ti reste à Madinah.

Mishkaat





MASLA

Si quelqu'un endetté et après déduction so banne dettes, li trouve qui li pas Sahib-e-Nisaab, alors li pas waajib dans ça cas la pour faire Qurbani ni tire Zakaat.



MASLA

Jour Qurbani li waajib pour faire Qurbani un animal. Si fine faire sadqa (donne en khairaat) ça animal-là ou so équivalent en argent a quelqu'un, so obligation (waajib) pas fine accomplir.



MASLA

Si Jour Qurbani fine passé et la personne pour un raison, pas fine réussi faire Qurbani, alors li besoin faire sadqa ça animal-là ou so équivalent en argent.

Par contre ça même sadqa si li faire jour Qurbani, li pas acceptable parcequ'il waajib pour faire seulement Qurbani ça jour-là. Et aussi parcequ'il Qurbani li un Ibaadat car Rassouloullah (ﷺ) fine dire qui pas éna aucun meilleur action pour banne enfants Hazrat Adam (عليه السلام) jour Qurbani, qui Qurbani devant Allah Ta'ala

A travers ça Hadith-là, nous comprend qui si quelqu'un dans chemin Allah li faire Khairaat ça animal la vivant ou so équivalent en argent ou equivalent so poids en or, argent, diamant même grosseur un montagne, li pas pour vaut la quantité thawaab quand pé sacrifier un animal dans les 3 jours du Qurbani. Donc li besoin conscient qui ça même ibaadat qui acceptable devant Allah, ça ibaadat qui accomplir avec sincérité d'après principe et l'ordre Allah et So Rasool (ﷺ).

Donc nous pas pour capave permettre nous remplace un qualité ibaadat par un l'autre qualité ibaadats, tels que roza par Namaz, zakaat par Hadj ou vice-versa aussi Qurbani par Sadqa!

Certains dire qui à la place faire Qurbani li plutôt meilleur donne so l'équivalent en argent dans un société. De teles personnes besoin mettre zotte en face avec ça l'exemple-là.

Inventeurs l'auto, avion etc fine faire zotte invention avec essence comme l'essentiel pour zotte fonctionnement. Maintenant comment nous pour accueil bannes gnes qui pense pour servi quelquechose plus extra, donc plus cher, comme parfums, atar, etc au lieu de l'essence qui li trop ordinaire pour faire demarrer ça banne vehicules la? De telles personnes sans doute fine faire une telle deviation qui zotte fine chavirer!





MASLA

Jour Qurbani fine passé, la personne pas fine faire ni Qurbani, ni sadqa ça animal-là ou so l'équivalent en argent. L'autre Bakr Eid finne ariver et li oule faire Qaza Qurbani qui fine passé. Li pas permettre pour faire Qaza ça Qurbani-là. Li besoin donc faire sadqa animal-là vivant ou so équivalent en argent.



MASLA

Jour Qurbani fine passé et la personne lors ki Qurbani ti waajib pas fine faire li. Maintenant période Qurbani fine terminer. Si la personne déjà en possession un animal Qurbani alors li obligatoire lors li pour faire sadqa vivant ça animal-là. Si li fine faire Zabah (sacrifier) li besoin faire sadqa toute la carcasse sans qui li prend narnie. Mais si li fine servi un part li besoin aussi faire sadqa l'équivalence en argent de ça quantité qui li fine servi.



MASLA

Si une personne oulé faire Qurbani pour un enfant majeur ou pour so madame, alors li besoin demande la permission. Si li fine faire Qurbani-là sans permission, zotte obligation (waajib) pas fine accomplir.





MASLA

Une personne fine acheter un animal pour faire Qurbani, animal- là fine mettre bas avant faire so Qurbani. Dans ça cas la, besoin faire Qurbani ça petit-là aussi. Si fine vendre petit-là, besoin faire sadqa, ça l'argent-là. Si li pas fine vende petit-là ou pas fine sacrifier li, et jour Qurbani fine passé, alors li besoin faire li sadqa vivant. Si ça petit la li encore chez la personne jusqu'a prochaine Bakr Eid, et li ou lé sacrifier ça animal-là comme Qurbani pour sa l'année la, li pas permettre. Mais si fine arriver faire so Qurbani, li besoin faire l'autre Qurbani parcequi premier Qurbani pas fine accepter, li besoin faire sadqa premier Qurbani-là complètement.



MASLA

Quand fine gagne tous banne conditions pour Qurbani, alors li waajib pour faire Zabah un cabri, bouc, etc ou prend 1/7ème part dans un chameau, boeuf, ect. Moins qui 1/7part pas gagne droit prend. Alors si quelqu'un so part li moins qui 1/7, personne so Qurbani pas pour valable.

Dans un grand animal tel que vache ou chameau li permettre à une personne pour prend plus qui un part et 6 ou 5 ou 4 personnes capave prend part dans même animal. Ena pour capave gagne plus, éna capave gagne moins lors la viande. Mais celui qui prend un seul part alors li besoin pas moins qui 1/7 (le minimum pour un gros animal).





MASLA

Quelqu'un fine faire Wassiyaat (testament) mais li pas fine spécifier qui animal ou so prix. Un tel testament li valable et même en faisant Qurbani un cabri, le testament fine observé.



MASLA

Fine faire Mannat (promesse) pour faire Qurbani mais pas fine spécifier le type d'animal ou so prix. De tel Mannat li valid et même en sacrifiant un cabri ça Mannat-là fine observé.



MASLA

La viande provenant de Qurbani du testament ou Mannat besoin faire so sadqa complètement. Si fine arrivé mange une partie besoin faire so sadqa l'équivalent en argent la quantité consommée.



QUAND BESOIN FAIRE QURBANI

"Pour ki banne-là gagne zotte propre bénéfice, et pour zotte prend nom Allah dans banne jours ki connus lors ceki Li (Allah) finne donne banne-là comme provision parmi banne animaux ki pas causer, alors zotte-même manger depuis la-dedans et faire banne qui en détresse aussi manger."

(S22, V:28)

Imam Abu Bakr Raazi Al Jassaas (رحمة الله عليه) commente ça Ayat-là en disant: Ici le mot 'Ayyaamim Ma'loumaate' approuvé ki ce sont banne jours faire Zabah et le mot 'Ayyaam' appliqué pour un minimum de 3 jours pour Qurbani; alors ceci donne preuve de trois jours pour Qurbani; lors plus de 3 jours pas éna preuve, donc pas acceptable.

Hadiths rapporté par Mo'atta Imam Malik:

Hazrat Abdulah Ibne Umar (رضي الله عنه) dire ki Qurbani c'est jour Eid-Ul-I Adha et 2 jours après li.

Hazrat Ali (رضي الله عنه) dire ki Qurbani c'est 3 jours, le **premier jour meilleur**. Hazrat Umar Farooq, Hazrat Ibne Abbas, Hazrat Abu Huraira, Hazrat Anas (رضي الله عنه) tous dire la même chose ki Hazrat Ali (رضي الله عنه) c.à.d, 10ème, 11ème et 12ème Zil Hajj.

Hazrat Bara'a Bin Azib (رضي الله عنه) rapporté qui
Rassouloullah (ﷺ) (jour Qurbani) fine dire:

*"Aujourd'hui parmi banné travaux spéciaux qui nous éna
pour faire premièrement nous pour faire Namaz (Eid-UI-
Adha), puis quand nous retourne depuis l'a bas, nous pour
faire Qurbani. Alors celui qui faire comme ça li fine
accomplir d'après nous principe. Celui qui fine faire
Qurbani avant Namaz, so Qurbani absolument pas compté,
mais li fine plutôt faire Zabah un animal simplement pour
consommation so famille."*

Bukhari, Muslim

Hazrat Jundab Bin Soufian (رضي الله عنه) rapporté:

*"Jour Eid-UI-Adha, mo ti ensemble avec Prophète
Muhammad (ﷺ). Quand Rassouloullah (ﷺ) fine fini faire
Namaz, fine trouve un cabri qui fine fini faire Zabah
(sacrifier) avant Namaz, li fine dire la personne qui li fine
faire Qurbani so animal avant Namaz. Li besoin faire
Qurbani un l'autre animal dans so place. Et celui qui pas
encore faire Zabah, alors li pernd nom Allah et faire Zabah."*

Bukhari, Muslim

Ça Hadith-là, li un preuve qui Qurbani li waajib parcequi
Huzoor (ﷺ) fine ordonne banné qui fine faire Qurbani
avant Namaz pour refaire Qurbani. Si Qurbani pas ti waajib,
Huzoor (ﷺ) pas ti pou donne zotte l'ordre pour refaire
zotte Qurbani.



MASLA

L'heure Qurbani commence depuis 10ème Zil Hadj jusqu'a 12ème Zil Hadj avant le coucher du soleil, c.a.d 3 jours et 2 nuits. Mais 10ème Zil Hadj li meilleur (Afzal) puis 11ème et enfin 12ème.



MASLA

Si lors quelqu'un Qurbani pas ti encore waajib le premier jour, et au dernier moment la personne fine vine Sahib-e-Nisaab, alors Qurbani vine waajib lor li. Par contre, si lors une personne Qurbani ti waajib le premeir jour et au dernier moment, la personne fine vine pauvre, a ce moment-la, Qurbani pas vine waajib lors li.



MASLA

Qurbani pas permette pour faire avant Namaz Eid, besoin faire Qurbani après Namaz Eid.





MASLA

Si lors 10ème jour Zil Hajj pas fine réussi faire Namaz Eid-UI-Adha à cause par exemple grosse pluie, cyclone, alors pour faire Qurbani, li nécessaire qui l'heure Namaz Eid fini passé (et l'heure Zawwal commencer). Li permettre pou faire Qurbani avant Namaz Eid lors 2ème et 3ème jours.



MASLA

Pas nécessairement lors 10ème jour même fini faire Qurbani. Capave faire li dans n'importe quel jour pendant ça trois jours-là.



MASLA

Capave faire Qurbani pendant le soir aussi mais li Makhrouh pour faire li



ANIMAUX QUI SERVI POUR FAIRE QURBANI

"Banne animaux ki pas éna pouvoir pour exprimer fine vine licite (légal) pour zotte, excepté ceki pour mentionner à zotte."

S:5, VI

Hazrat Baqiah (رضي الله عنه) rapporté qui Nabi-e-Karim (ﷺ) fine dire qui devant Allah Ta'ala le meilleur Qurbani c'est le Qurbani qui cher et couteux.

Baihaqi

Hazrat Bara' Bin Azib (رضي الله عنه) rapporté que Rassouloullah (ﷺ) finne deboute cotte nous et fine dire:

"Éna quatre qualités apparente dans animaux qui empêche faire zotte Qurbani - borgne (kana), maladie, boiteux, vieux a tel point qui les os paraître."

Ibn Maj, Tirmizi

Hazrat Outouba (رضي الله عنه) rapporté qui Huzoor (ﷺ) fine empêcher pour faire Qurbani banne animaux qui **zotte oreille fine arraché et trou zoreille paraitre, animaux qui zotte corne fine cassé depuis so base, animaux qui aveugle, animaux qui tellement maigre qui pas capave suivre troupeau, et animaux qui zotte la patte fine cassé.**

Huzoor (ﷺ) fine dire:

"Meilleur Qurbani, c'est un animal qui d'après prix so valeur beaucoup et li bien portant (gros)."

Imam Ahmad

Hazrat Jabir (رضي الله عنه) rapporté qui Prophète Muhammad (ﷺ) fine dire qui capave faire Qurbani avec vache, boeuf ou chameau par 7 personnes.

Tirmizi



MASLA

Capave choisir banne animaux qui servi pour faire Qurbani parmi les suivants:

boeuf, vache, taureau, genisse, bouc, chèvre, cabri, mouton.





MASLA

Banne animaux sauvages tel que "Nil gaye", cerf, pas capave faire zotte Qurbani.



MASLA

Si valeur et la viande cabri li egale 1 part d'un grand animal alors cabri meilleur pour faire Qurbani. Et si dans 1 part d'un grand animal éna plus la viande qui un cabri dans ça cas la li meilleur prend part dans grand animal-là. Si tous les deux pareilles en prix et poids alors la viande qui plus bon, li meilleur mais en cas de difference en poids alors celui qui éna plus de poids li meilleur.

Quand la viande et le prix pareille alors mouton meilleur qui brebis, cabri meuiller qui bouc, mais un bouc castre meilleur qui un cabri, chamelle meilleur qui un chameu, vache meilleur qui boeuf.





MASLA

L'âge banne animaux pour faire Qurbani li comme suit:

1. Chameau: 5 ans ou plus
2. Vache etc: 2 ans ou plus
3. Cabri etc: 1 ans ou plus



MASLA

Animaux lors qui Qurbani faire avec un **seul** part:

- Bouc, cabri, chèvre, mouton.

Animaux lors qui Qurbani faire avec **sept** parts:

- Chameau, boeuf, vache, genisse, taureau.

Une personne éna droit prend plusieurs part dans même Qurbani un grand animal.



MASLA

Les animaux Qurbani zotte besoin sans défaut. Si éna un petit défaut, Qurbani pour acceptable mais li pour Makhrouh. Mais si zotte éna un grand défaut, pas pour capave faire Qurbani.



MASLA

Li permet pour faire Qurbani un animal qui pas ti éna corne depuis so naissance. Si un animal so corne fine casée depuis so base, li pas permettre pour faire so Qurbani, mais si un boutte so corne fine casée, li permettre pour faire so Qurbani.



MASLA

Li permettre pour faire Qurbani banne animaux castré ou ceux qui zotte sexe fine enlever



MASLA

Li permettre pour faire Qurbani banne animaux qui fine tellement âgés qui zotte fine vine improductif ou qui zotte du lait pas descendre.



MASLA

Les animaux qui zotte liyeux travers pas capave servi pour faire Qurbani.





MASLA

Li pas permettre pour faire Qurbani banne animaux aveugle, borgne, très maigre, boiteux, ou tellement malade qui zotte incapable pour déplacer pour alle place cotte faire Qurbani et aussi banne animaux qui zot oreille ou la queue fine coupe.



MASLA

Si un tiers ou moins oreilles ou la queue fine coupé alors li permettre pour faire Qurbani animal-là.



MASLA

Li pas permettre pou faire Qurbani banne animaux qui depuis zotte naissance pas éna deux oreilles ou un oreille



MASLA

Animaux qui pas éna les dents mais zotte capave mange zotte fourage alors li permettre pour faire zotte Qurbani, autrement non.





MASLA

Anmiaux qui zotte les dents fine cassé mais zotte éna autant les dents avec qui zotte capave manger, alors li permettre faire Qurbani, au cas contraire non.



MASLA

Li pas permettre pour faire Qurbani banne animaux qui zotte nénez fine coupé.



MASLA

Animaux qui zotte tetine fine coupé ou tetine-là fine sec ou zotte pas capave faire boire du lait à zotte petit, alors zotte Qurbani pas permettre.



MASLA

Animaux qui mange seulement malpropreté, zotte Qurbani pas permettre.



MASLA

Animaux qui éna les deux sexes (hermaphrodites), pas permettre pour faire zotte Qurbani.





MASLA

Une personne fine acheter un animal sans défaut pour faire Qurbani. Après li fine ariver gagne un défaut. Alors si la personne li toujours sahebé nisaab, li besoin faire Qurbani un autre animal. Mais si li pas sahebé nisaab, alors li pémettre pour li, pour faire Qurbani ça animal-là.



MASLA

Pendant qui une personne pé faire Qurbani, l'animal-là fine lutter et sauter et a cause ça fine gagne défaut. De tel défaut pas compter et Qurbani, donc, li accomplir.



MASLA

Li permettre pour faire Qurbani un mouton qui so la laine fine coupé.



MASLA

Li pas permettre pour faire Qurbani un animal qui so lapatte fine coupé.





MASLA

Si un cabri so la langue fine coupé mais li capave mange so fourage, so Qurbani permettre. Au cas contraire, so Qurbani pas permettre.



MASLA

Quand fine acheté un cabri ou un vache pour faire Qurbani li makhrouh pour tire du lait.



MASLA

Li pas permettre à une personne riche pour acheter pour Qurbani un animal qui éna défaut. Si li ti acheter un animal qui ti éna défaut et plus tard so défaut disparaître par exemple, un animal tellement maigre qui Qurbani pas permettre, et plus tard li fine gros, alors li gagne droit faire so Qurbani.





MASLA

Un animal qui ti réservé pour Qurbani fine mort, perdu volé, li nécessaire à une personne riche pour acheter un autre animal pour Qurbani. Après qui la personne finne acheter un autre animal, li fine gagne so premier animal, qui ti perdu ou volé, li besoin donc, faire so choix entre ça deux animaux-là en observant le règlement suivant.

Si fine utilise premier animal dans Qurbani et so valeur lors prix li moins que second animal-là, Qurbani fine accompli. Si li utilise second animal-là dans Qurbani et so valeur lors prix moins qui premier animal-là, la personne besoin calcule la difference lors valeur prix entre les deux animaux et donne so surplus d'argent aux pauvres



MASLA

Une personne lors qui Qurbani pas ti Waajib fine quand même acheter un animal pour faire Qurbani. Avant jour Qurbani animal-là arriver mort, perdi ou volé. Dans ça cas-là, li pas nécessaire pour acheter un autre animal. Mais au cas li fine acheter un autre animal et ensuite li fine gagne so premier animal qui ti perdi ou volé, alors li vine Waajib lors la personne pour faire Qurbani pour tous les deux animaux.





MASLA

Sept personnes ensemble fine acheter un grand animal pour faire Qurbani. Un parmi zotte fine arrivé décédé avant Qurbani. Si so banne heritiers fine donne permission pour faire Qurbani de so côté, dans ça cas-là, Qurbani pour valable. Si Qurbani fine faire sans permission banne heritiers, alors personne so Qurbani pas valable.



MASLA

Un non croyant (kaafir) pas éna droit prend aucun part dans Qurbani. Si un non croyant fine prend part, alors personne so Qurbani pas pour compter.



MASLA

Parmi les personnes qui fine prend part dans un grand animal, un éna niyat (intention) pour faire Qurbani pour ça l'année-la tandis que les autres zotte niyyat c'est pour l'année qui fine passée. Dans ça cas-là, la personne avec niyyat Qurbani ça lanne, so Qurbani compter tandis que les autres zotte Qurbani fine compter comme nafil parcequi Qurbani pas capave faire Qaza. Li donc nécessaire qui zotte faire sadqa tous zotte part de la viande. La personne qui so Qurbani finne accepter, li aussi besoin faire Sadqa so part la viande.





MASLA

Une personne éna 9 enfants. Pour li et pour chaque enfant, li fine acheter un cabri mais pas fine faire niyat pour spécifier chacun so cabri, so niyat étant seulement qui ça 10 cabris-là vine de zotte côté pour Qurbani. Alors zotte tous zotte Qurbani pour valable.



MASLA

Une personne fine acheter un grand animal tel une vache pour faire Qurbani. Après, li finne associer 6 personnes ensemble avec. Tous zotte Qurbani acceptable mais li makrouh pour faire comme ça. Si au moment acheter, li ti éna niyat pour associé les autres avec li, dans ça cas-là, li pas vine makrouh, mais meilleur avant acheter li faire niyat-là.



MASLA

Une personne qui Malik-e-Nisaab fine faire un Mannat (promesse) pour faire Qurbani. Dans ça cas-là deux Qurbani fine vine waajib lors li, un à cause Mannat, l'autre à cause li Malik-e-Nisaab.





MASLA

Si quelqu'un faire plus qu'un Qurbani, un pour compte comme waajib tandis que les autres comme nafil. Si li faire Qurbani un boeuf complet, alors entier boeuf so Qurbani pour accepter comme waajib - non pas comme un part comme waajib et 6 parts comme nafil.



MASLA

Dans Qurbani gagne droit prend part pour 'Aqeeqah aussi (car tous les deux zotte banne acte d'Ibadat).



NOTE:

Des personnes dire qui si pas fine faire 'Aqeeqah, pas autorisé pour faire Qurbani. C'est totalement faux. 'Aqeeqah li sounnat tandis qui Qurbani li obligatoire (waajib). Li important pour donne priorité Qurbani parceque celui qui éna le moyen et pas faire Qurbani, li certainement coupable.



MASLA

Une personne fine faire Qurbani un grand animal de son côté et de côté so banne enfants. Si so banne enfants zotte mineurs, alors tous zotte Qurbani fine accepté. Si zotte majeur et ezot fine donne permission, zotte Qurbani fine accepter. Si parmi banne majeur-là, un parti donne permission et un parti pas donner, dans ça cas- là personne so Qurbani pas pour valable.



FAÇON FAIRE QURBANI

Hazrat Anas (رضي الله عنه) rapporté que Rassouloullah (ﷺ) fine faire Qurbani avec so la main deux moutons couleur blanc avec marque noires qui ti éna cornes. Li (ﷺ) fine pose so li pied lors animal-là en recitant Bismillahi Allahu Ackbar

Muslim

Hazrat Jabir (رضي الله عنه) rapporté qui jour Eid (Eid-UI-Adha) Rasouloullah (ﷺ) fine faire Qurbani deux mouotns castrés couleur blancs avec marques noires, qui ti éna cornes. Quand fine vire zotte figure vers Qibla, li fine lire ça Doa-là:

"Inni wajjahto wajh-hiya lillazi fataras-samaawaati wal ardwa hanifawn wamaa ana minal mushrikeen. Inna swalaati wa nousouki wa-mah-yaaya wa mamaati Lillahi Rabbil 'Alameen. Laa Shareeka lahu wa bizaalika oumirtou wa ana awwalul mouslimeen. Allahumma minka walaka an Mohammadeen wa oummatihi bismillahi wallahu akbar."

Après ça Doa-là li fine passe couteau lors ça animal-là et fine faire Zabah.

Abu Dawood, Ibn Majah, Mishkaat

Li recommander à la personne qui éna l'intention pour faire Qurbani qui li pas rasé (ou coupe) cheveux, tailles zongles comme Huzoor (ﷺ) fine dire, d'après Hadith rapporté par Ummé Salma (رضي الله عنها).

Celui qui trouve la lune Zil Hajj, et li éna l'intention pour faire Qurbani, alors tant qui li pas fini so Qurbani, li pas coupe so cheveux ni taille so zongles.

Muslim, Ibn Majah, Abu Dawood, Nasai

Li aussi recommandé à la personne qui li reste à jeûn jusqu'à qui li faire so Qurbani et li mange un morceau de la viande frit ou cuit de ça animal sacrifié si possible.

Avant faire Zabah pour Qurbani, li recommandé pour donne manger et boire l'animal-là. Besoin utilise un couteau futé afin qui l'animal-là pas souffert so Zabah, **et pas fute couteau devant animal-là**. Li suffit pour **coupe trois veines dans li cou mais pas plus de quatre**. Après Zabah faudrait pas éplucher et couper aussi longtemps qui animal-là pas fine refroidi complètement.

Avant passe couteau, la personne qui faire Zabah li deboute avec so figure en direction Qibla et li faire ça Doah-là:

إِنِّي وَجَّهْتُ وَجْهِيَ لِلَّذِي فَطَرَ السَّمَاوَاتِ وَالْأَرْضَ
حَنِيفًا وَمَا أَنَا مِنَ الْمُشْرِكِينَ إِنَّ صَلَاتِي وَنُسُكِي
وَمَحْيَايَ وَمَمَاتِي لِلَّهِ رَبِّ الْعَالَمِينَ لَا شَرِيكَ لَهُ، وَبِذَلِكَ
أُمِرْتُ وَأَنَا مِنَ الْمُسْلِمِينَ

*Inni wajahto wajh-hiya lillazi Fataras - samaawaati wal ardwa
Haneefanw- wama ana minal mushrikeen. Inna swalaati wa
nousouki wa mah-yaaya wa mamaati lillahi rabbil 'Alameen. La
shareeka lahu wa bizaalika oumirtoo wa ana minal mouslimeen.*

*Mo tourne sincèrement vers Celui qui fine créer le ciel et la
terre et mo pas parmi banne idolâtres. En verité mo Namaaz, mo
sacrifice, mo lavie, mo la mort appartenir à Allah, le Maître de
L'Univers. Li pas éna aucun associé. Et comme fine prescrire mo
fine soumettre lors l'ordre qui fine donner. Et mo parmi banne
ceux qui soumettent à Allah).*

Allonge animal-là lors la terre, lors so côté gauche de sorte qui so figure tourne vers Qibla. La personne qui faire Zabah, li pose so li pied droite lors épaule animal-là et li lire:

اللَّهُمَّ لَكَ وَمِنْكَ بِسْمِ اللَّهِ، اللَّهُ أَكْبَرُ

*Allahouma laka wa minka Bismillah Allahu Akbar.
(O Allah! ça li pour Toi et li fine vinne de Toi, au nom
d'Allah qui Li très grand.)*

Pendant qui li pé prononce sa banne mots-là, la personne passe so couteau pour coupe la veine li cou l'animal et les personnes qui present zotte en même temps lire takbir:

اللَّهُ أَكْبَرُ ، اللَّهُ أَكْبَرُ
لَا إِلَهَ إِلَّا اللَّهُ وَاللَّهُ أَكْبَرُ
اللَّهُ أَكْبَرُ وَ لِلَّهِ الْحَمْدُ

*Allahu Akbar Allahu Akbar la ilaaha illallahu walla-hu Akbar Allahu
Akbar wa lillahil hamd*

*(Allah bien grand, Allah bien grand, pas éna aucun dieu excepte
Allah et Allah bien grand, Allah bien grand et tous éloges pour Allah).*

Si un personne pé faire so propre Qurbani alors li lire:

اللَّهُمَّ تَقَبَّلْ مِنِّي كَمَا تَقَبَّلْتَ مِنْ خَلِيلِكَ سَيِّدِنَا
إِبْرَاهِيمَ عَلَيْهِ السَّلَامُ ، وَحَبِيبِكَ سَيِّدِنَا مُحَمَّدٍ
صَلَّى اللَّهُ عَلَيْهِ وَسَلَّمَ

*Allahumma taqabbal minni kama taqabbalta min khaleelika saiyidina
Ibrahima wa min Habeebika saiyidina Mohammadin wallallahu alaihi wasallam.*

*(O Allah! Accepte ça de moi comme To fine accepté de To
camarade bien aime Hazrat Ibraheem (عليه السلام) et de To bien
aimé ami (Prophète) Hazrat Mohammad (ﷺ))*

Si une personne pé faire Zabāh pour les autres, alors au lieu
de "minni" li dire "min" après li cite les noms des personnes
(avec noms zotte papa) qui fine prend part dans ça Qurbani-là.



MASLA

Besoin faire Zabah Qurbani par un musulmaan. Si Zabah fine faire par un kaafir ou moushrik, Qurbani pas seulement pas compté mais animal-là vine plutôt haraam. But Qurbani c'est pour gagne thawab en faisant Allah plaisir et aussi li un ibadat pour Allah. Donc faudrait pas prend aide avec un non croyant.



MASLA

Avant faire Zabah, li makrouh et empecher pour tire du lait ou coupe poils l'animal-là pour avantage la personne-là. Si finne arrivé faire li, besoin faire sadqa du lait-là ou poils la ou so l'argent en cas fine vender.



MASLA

Quand fini faire Zabah animal-là, a ce moment-là, la personne capave tire du lait ou poils pour li servi.



MASLA

Si quelqu'un autorise un autre personne faire Zabah et pendant qui pé faire Zabah, alors tous les deux pose zotte la mains lors couteau-là, alors li Waajib lors tous les deux pour lire Bismilah. Si un entre ces deux pas lire Bismillah soit par exprès soit en pensant qui l'autre fine lire Bismillah et li pas trouve nécessité relire li, dans ce cas l'animal pour vine haraam.



MASLA

Si après Zabah, fine trouve un petit dans ventre animal-là, et si petit-là encore vivant, faire li aussi Zabah. Si li fine mort debarasse li ou entere li.



NOTE: Prophète Mohammad (ﷺ) fine faire Qurbani pour so oummat. Dans ça l'occasion-là aussi li fine pense so peuple. Alors un musulman qui éna le moyen, c'est un occasion pour li pour faire Qurbani de la part du Prophète Mohammad (ﷺ) - Alhamdolillah!

VIANDE DU QURBANI



MASLA

Celui qui faire Qurbani li éna tout droit pour consomme la viande la personnellement et faire le riche et le pauvre, parmi les croyants manger. Li recommandable (moustahab) à celui qui faire Qurbani pour mange un peu ça la viande-là



MASLA

Li meilleur pour divise la viande du Qurbani en trois parties:

- 1 part pour le pauvre,
- 1 part pour les voisins, camarades et familles et
- 1 part pour so propre consommation à la maison.



MASLA

Li éna droit pour faire sadqah (distribuer) la viande-là en totalité ou garde tout pour li. Si so famille grand li capave servi tout la viande-là parmi so famille.



MASLA

Li defende pour donne la viande du Qurbani aux non-musulmans.



MASLA

Si Qurbani fine faire pour Mannat (promesse), alors li pas gagne droit consomme la viande-là, ni partage li aux riches ou faire les riches manger. Li obligatoire (Waajib) faire sadqa la viande complètement. Ça masla lors Mannat-là appliquer aux riches comme aux pauvres.



MASLA

Si quelqu'un faire Qurbani de la part une personne décédée li gagne droit dispose la viande-là comment li ou lé. Pas nécessaire li partage tous aux pauvres. Mais si la personne décédée-là ti declare pour faire Qurbani de so côté, alors dans ça cas-là besoin faire sadqa la viande-là totalement aux pauvres.



MASLA

La personne gagne droit servi la peau Qurbani pour lui-même par exemple, pour faire mossalla ou pour relier so banne livres.



MASLA

Si li vendre la peau Qurbani pas pour so usage personnel ou so famille mais pour faire sadqa, alors li permettre pour faire ça.



MASLA

La peau ou la viande Qurbani ou autre chose du Qurbani pas permettre pour donne comme paiement à un boucher pour faire Zabah et les autres opérations, mais capave offert li comme cadeau à un frère musulman après qui fini paye so dû en argent liquide.



MASLA

Li nécessaire faire part égale dans un grand animal cotte plusieurs personnes fine prend part pour Qurbani. Pas gagne droit partager à peu près sans peser. Li nécessaire peser pour partager.



MASLA

Dans les animaux Halaal, éna 7 parties dans zotte carcasse ki Haraam pour consommer:

1. Du sang (en circulation)
2. Sexe du male
3. Testicules
4. Partie privée (anus)
5. Glande
6. Sac de bile (vesicule biliare)
7. Sac d'urine (bladder)



MASLA

Li makrouh tahreemi pou consomme trippe un animal



L'IMPORTANCE DIX PREMIERS JOURS ZIL HAJJ

Comme Allah Ta'ala finne donne l'importance pour Jummah parmi les 7 jours de la semaine, Ramadwaan parmi les 12 mois de l'annee, dernier tiers parmi les 3 tiers du Ramadwaan ainsi Allah fine donne l'importance aux dix premiers jours de Zil Hajj. Allah Ta'ala fine mete Hajj parmi ça 10 jours-là. Ça premier tiers (1/3) Zil Hajj li un période spécial devant Allah. Allah Ta'ala bien content tous banne bonnes actions de So banda.

Hazrat Ibn Abbas (رضي الله عنه) rapporté qui Rassouloullah (ﷺ) fine dire quantité qui Allah content les bonnes actions pendant ça 10 premier jours-là, li pas pareille comme les autres.

Bukhari

Hazrat Abu Hurraira (رضي الله عنه) rapporté qui Rassouloullah (ﷺ) fine dire:

"Allah bien content les ibaadats de So banne creatures. Mais li donne un attention spécial les ibaadats qui fine faire pendant ces 10 jours Zil Hajj.

Puis le Prophète Mohammad (ﷺ) dire qui celui qui observe 1 roza pendant ça 10 premiers jours-là, li gagne équivalent 1 an so roza et celui qui pase 1 nuit dans Ibadat li gagne équivalent 1 nuit de Lailat-ul-Qadr so Ibadat.

Ibn Majah

C'est a noter qui les nombres de jours pour garde roza (carême) durant sa période-là est de 9 jours et non pas 10 (le 10ème jour étant la fête Eid-UI-Adha cotte li pas permettre garde roza).

Hazrat Abu Qatada (رضي الله عنه) rapporté qui Nabi-e-Karim (ﷺ) fine dire:

Mo ena l'espoir lors Allah qui Arafah so roza (9ème Zil Hajj) effacée une an avant et une année après so gounah (péchés).

Tirmizi, Ibn Maja

Ummul Mu'mineen Hazrat Ayesha Siddiqua (رضي الله عنها) rapporté qui Rassouloullah (ﷺ) fine dire qui Arafa so roza égale à mille jours, mais pour banne personnes qui faire Hajj dans Arafat li makrouh pour zotte garde roza jour Arafa.

Tibrani, Baihaqi

Ummul Mu'mineen Hazrat Umme Salma (رضي الله عنها) rapporté qui Rassouloullah (ﷺ) fine dire: "Celui qui fine trouve la lune Zil Hajj et li éna l'intention pour faire Qurbani, alors tant qui pas faire so Qurbani li pas coupe cheveux ni li taille so zongles."

Muslim, Ibn Maja, Abu Dawood, Nasai

Dans livre Fuyuzur Rahmaan Tafseer Ruhul Bayaan fine écrire qui:

(a) Celui qui donne Sadqa à un pauvre pendant ces 10 jours-là, c'est comme si li fine donne cadeau tous banne Prophètes.

(b) Celui qui alle rendre visite pendant ça 10jours-là, c'est come si li fine alle rendre visite tous banne Aulia Allah et banne Abdaal.

(c) Celui qui fine present dans un Namaz Janaza pour un musulman, c'est comme si li fine présent dans Namaz Janaza de tous banne Shohada-e-Badar.

(d) Celui qui donne un habillement à un musulman pauvre, alors Allah pour donne li un habillement de Jannat.

(e) Celui qui montré pitié pour un orphelin, alors jour Qayamat Allah Ta'ala pour donne li place en bas Arsh.

(f) Celui qui assisté banne programmes religieux, c'est comme si li fine présent dans programmes banne Prophètes.

Le premier tiers Zil Hajj c'est la période spécial pour Hajj et dans sa banne jours-là, actions spécials c'est celles pour accomplir Hajj. Pour faire Hajj faudrait absolument déplacer pour atterrir à Makkah Sharif. A cause de sa, li un faraz pour accomplir une seul fois dans la vie et li applicable à ceux qui éna le moyen et qui capave déplacer. So barakat spécial c'est zotte même capave profiter banne qui fine ale sur place pour accomplir Hajj.

Mais Allah Ta'ala par So Rahmat Li pas fine laisse banne musulmans du monde entier sans des bénéfices qui banne qui faire Hajj gagner. Allah fine faire banne musulmans de tous coins du monde participer dans certaines bane actions qui faire dans Hajj.

Eid-Ul-Adha so vertu spéciale c'est qui le 10ème Zil Hajj bannes Hajis faire Qurbani pour Allah à Mina. Etant donne qui les musulmans du monde entier pas capave present a Mina ce jour la, banne musulmans pour faire Qurbani peu importe cote zotte été. Quand fine attache Ehram banne ce qui fine alle faire Hajj zotte pas raser, pas coupe cheveux et pas taile zongle. Ainsi banne musulmans du monde entire qui faire l'intention pour faire Qurbani, aussi tôt qui la lune Zil Hajj paraitre, Zotte pas raser, ni taile cheveux, ni coupe ongles aussi longtemps qui zotte pas faire zotte Qurbani.

Allah Ta'ala donc fine faire les musulmans du monde garde toujours relation avec les Hajis; Li faire Zotte indirectement participer avec certaines actions qui les Hajis accomplir sur place. Ça c'est un Mubarak Hidayat cote éna les lumières et barakat du Hajj.

TAKBEER-E-TASHREEQ

Takbeer-E-Tashreeq commencer a partir du 9ème Zil Hajj depuis Namaz Fajar et termine le 13ème Zil Hajj jusqu'à Namaz Asr (au total 23 Namaz). Takbeer-e-Tashreeq li Waajib une fois après Namaz qui fine faire avec jamaat et 3 fois li meilleur.

Takbeer-E-Tashreeq c'est:

اللَّهُ أَكْبَرُ ، اللَّهُ أَكْبَرُ
لَا إِلَهَ إِلَّا اللَّهُ وَاللَّهُ أَكْبَرُ
اللَّهُ أَكْبَرُ وَلِلَّهِ الْحَمْدُ

Allahu Akbar, Allahu Akbar, Laaila ha illallahu, wallahu Akbar, Allahu Akbar, Wallilahil Hamd.



MASLA

Takbeer-E-Tashreeq li vine Waajib tout de suite après salaam du Namaz qui faire avec jamat.





MASLA

Si parmi le jour du Takbeer-E-Tashreeq fine gagne un jour Jummah li Waajib toujours pour lire li. Pas ena Takbeer-E-Tashreeq après Namaz Nafil, Sounnat et Witr. Après Namaz Eid-UI-Adha aussi lire Takber-E-Tashreeq.



MASLA

Imam et mossallis Zotte tous besoin lire ça takbeer-là; si un Imam fine oublier lire, là aussi Mossalli besoin lire.



MASLA

Si quelqu'un fine rentre dans Namaz Jama'at en retard dans les jours de Takbeer-E- Tashreeq, alors après qui li fine termine so Namaz, li lire Takbeer-E Tashreeq.



ENN DHUL HIJJAH IDÉAL

Comme expliqué avant, Dhul Hijjah li enn parmi bans mois plus sacré dans l'islam. Premier 10 jours ena enn valeur extraordinaire. C'est enn période kot chaque action bien compté – mem enn simple tasbih. Enn Dhul Hijjah idéal li pas juste ena Qurbani, mais li rempli avec l'amour, zikr, roza, namaz, sadaqah ek connection avec Allah ﷻ.

Recevoir Mois Dhul Hijjah

-  **Faire intention ferme** pou valorise sa 10 jours-la.
-  **Lire beaucoup zikr** : SubhanAllah, Alhamdulillah, Allahu Akbar, Laa ilaaha illallah.
-  **Lire Qur-aan chaque jour**, même si ene ti passage.
-  **Faire bans namaz à l'heure**, avec plus concentration.
-  **Faire beaucoup dua** – c'est moment où bans duas accepté.
-  **Roza (Sawm)** dans les 9 premiers jours si capave, surtout le 9ème (Arafah).
-  **Faire bans bons actions**, aider les autres, respecter parents, etc.
- **Explique** ban enfants et d'autres l'importance et signification Qurbani.

Preparations Qurbani



Prépare Qurbani avec pureté de l'intention.

Ya Allah, kouma Sayyiduna Ibrahim عليه السلام finn soumet so volonter, mo aussi mo soumet ek mo offert sa Qurbani-la zis rod To plaizir.

Evit **riya**: pas faire grand show pou gagne lhonneur ou attention public. Qurbani sé enn ibadat personnel.

Choisir Zanimo

- Choisir enn zanimo en **bonn santé, fort ek bèle**.
- Verifie bann conditions Shariah : l'âge, pena défaut, maladie ou faibless.

Prend Soin Zanimo

- Prophète ﷺ ti montre **compassion** pou bann zanimo. Assurez li ena quitchose pou manger et boire.

La nuite avant Eid Al Adha

Donn Lavi a la nuite Eid

Li finn rapporté ki Le Messager d'Allah (ﷺ) fine dire:

“ Ena 5 la nuite kot du'a pas rejeté: premier la nuite Rajab, 15ème la nuite Sha'ban, la nuite Vendredi, la nuite avant Eid ul-Fitr ek la nuite avant Eid al-Adha.”

Sayyiduna Ali (رضى الله عنه) ti pe passe 4 la nuite dans 'Ibaadah:

- premie la nuite Rajab
- La nuite avant les deux Eid
- 15ème la nuite Sha'ban

D'après enn hadith, si enn dimounn faire Ibaadat sa bann la nuite avant les deux Eid, **Allah pou donne so le cœur la vie le jour kot bans les cœurs pou mort.**

Cequi veut dire principalement c'est la **sécurité le jour du Jugement**, mais même dans sa la vie, majorité dimounn zotte les cœurs mort – zotte loin de Zikrullah, loin de rapelle concernant retour vers Allah.

Li enn **sunnah** pou faire **l'Ibaadat dans la nuite avant Eid**, c'est-à-dire passe le maximum les temps possible dans Zikrullah, dans prière, et dans récitation Qur'an – afin ki sa la nuite-là vine "vivant".

Au minimum, nous bizin faire Maghrib, Isha et Fajr en Jamaat (congrégation).

Jour Eid Al Adha

1. Leve Bonheur

Leve tôt le matin pour préparer pour Eid. Faire **Namaz Eid aussi bonheur**, surtout pour Eid al-Adha, car **Qurbani** bizin faire **après la prière**.

2. Faire Ghusl

Faire **Ghusl (bain rituel)** après Fajr et avant Namaz Eid.
C'est en sunnah de nous Prophète ﷺ.

(Ibn Majah)

3. Servi Miswak

Servi **Miswak** pour brosse les dents – pendant la journée et spécialement avant **Namaz Eid** et bans Farz Namaz.

Le Prophète ﷺ fine dire:

"Miswak li nettoie la bouche et li plait à Allah."

(Ahmad)

4. Mette Parfum

Le Prophète ﷺ ti content parfum et li parmi so sunnah pou applique parfum jour Eid.

5. Mette joli linge

Met les linge plus propre, plus joli – neuf ou bien lavé.
Le Prophète ﷺ ti pe mette enn shawl rouge la toile de Yémen pour Eid.

6. MONTRE LA JOIE (HAPPINESS)

Montré la contentement et joie, c'est ene signe de **Shukr**
(reconnaissance).

Allah dire dans Qur'an:

"Si zot vinne reconnaissants, alors Mo pour donne zot
encore."

(Qur'an 14:7)

7. Lire Fajr dans masjid

8. Marche à pied pour namaz Eid

Le Prophète ﷺ ti pe alle pour Eid Namaz à pied.

Hazrat Ali (رضى الله عنه) dire :

*"Parmi bans sunnah Eid c'est sortir à pied vers le lieu de
prière."*

(Tirmidhi)

9. Lire takbirat

Faire **Takbirat** en chemin – dans le cœur, ou doucement,
ou à haute voix.

اللَّهُ أَكْبَرُ ، اللَّهُ أَكْبَرُ
لَا إِلَهَ إِلَّا اللَّهُ وَاللَّهُ أَكْبَرُ
اللَّهُ أَكْبَرُ وَ لِلَّهِ الْحَمْدُ

10. Mette enn bague

Met enn bague – c'est ene sunnah du Prophète ﷺ.

Bannes sahaba (رضى الله عنه) ti pe porte bague spécialement pour Eid, même si pas porte toute l'année.

11. Faire chaqu'un salaam

تَقَبَّلَ اللَّهُ مِنَّا وَمِنْكُمْ

"Qu'Allah accepte de nous et de vous."

Ou bien dire **"Eid Mubarak"** Quand joindre famille ou camarade.

12. Retourne depi enn autre chemin

Le Prophète ﷺ ti pe **retourne par enn l'autre chemin** après Namaz Eid.

(Bukhari)

13. Méthod Sunnah pou Zabah:

- Lipie lors epaul zanimala.
- Prononce clairement :

"Bismillah, Allahu Akbar. Allahumma taqabbal minni kama taqabbalta min habibika Muhammad ﷺ wa khalilika Ibrahim عليه السلام."

14. Partaze la viande

- 1/3 pou twa ek to fami
- 1/3 pou to kamarad/parent
- 1/3 pou bann pauvre

وَاللَّهُ اعْلَمُ

Wallahu a'lam



عِيدُ الْإِذْحَى

'EID AL ADHA CHECKLIST

Eid Al-Adha isn't just a show, but a worship to Allah ﷻ.

How are you preparing your heart and home for this blessed day?

☐

Levé Bonheur

☐

Méthode Sunnah pour
Zabah (Sacrifice)

☐

Faire Ghusl (Bain rituel)

☐

Lipie lors épaule de l'animal.

☐

Servi Miswak

☐

اللَّهُ أَكْبَرُ اللَّهُ أَكْبَرُ لَا إِلَهَ إِلَّا اللَّهُ
اللَّهُ أَكْبَرُ اللَّهُ أَكْبَرُ وَلِلَّهِ الْحَمْدُ

☐

Mettre Parfum

☐

Mo tourne sincèrement vers Celui qui fine créer le
ciel et la terre et mo pas parmi banne idolâtres. En
verité mo Namaaz, mo sacrifice, mo lavie, mo la mort
appartenir à Allah, le Maître de L'Univers. Li pas éna
aucun associé. Et comme fine prescrire mo fine
soumettre lors l'ordre qui fine donner. Et mo parmi
banne ceux qui soumettent à Allah)

☐

Mettre Joli Linge

☐

Montrer la Joie (Happiness)

☐

Allahouma laka wa minka
Bismillah Allahu Akbar.

☐

Lire Fajr dans Masjid

☐

Lire Takbirat

☐

Partage La Viande

☐

Mettre une Bague

☐

1/3 pour toi et to famille

☐

Retourner par un Autre Chemin

☐

1/3 pour camarades ou proches

☐

1/3 pour les pauvres et nécessiteux